

## 2. CHLORÆA COMMERSONII, Pl. XLIV, B.

Chl. caule folioso, foliis inferioribus oblongo-lanceolatis, obtusis, superioribus acutioribus caulé adpressis; floribus dense spicatis, bracteis lanceolato-subulatis angustis, ovarium subæquantibus, sepalis lanceolatis acutis, inferioribus longioribus apice subulatis carnosis; petalis brevioribus obtusis; labello petalis duplo brevioris, trilobo, lobis lateralibus rotundatis integris, medio ovato carunculis densissimè tecto; gynostemio brevissimo alato.

*Serapias lutea*. PERS. *Syn.* II, p. 513.

*Serapias foliis multinerviis, floribus spicatis, erectis, luteis, inapertis*. COMMERSON, *Mss. in herb. Mus. Paris.*

**RADIX** tuberculis elongatis, fasciculatis (ut in *Asphodelis Commers.*). **CAULIS** simplex, erectus, pedalis vel sesquipedalis, basi densè, supernè distante foliosus. **FOLIA** inferiora oblongo-lanceolata, obtusa, multinervia, subpatentia, superiora breviora, acuta, vaginantia, laminâ convolutâ caulem involvente. **FLORES** densè spicati (semper ex **COMMERSON** inaperti), lutei, erecti. **Spica** brevis, bracteis lanceolato-subulatis, acutis, ovarium subæquantibus. **OVARIUM** angustum, elongatum. **SEPALA** inæqualia, membranacea : medium lanceolatum acutum ; lateralia longiora, et angustiora, lanceolata acuminata, apice carnosio. **PETALA** ovata, obtusa, sepalo medio breviora. **LABELLUM** inclusum, petalis subduplò brevius, trilobum, brevè unguiculatum, lobis lateralibus rotundatis, integerrimis, membranaceis, nudis, lobo medio ovato carunculis clavatis densissimè tecto, subcarnoso. **GYNOSTEMIUM** brevissimum, cum antherâ petalis triplò brevius, alatum. **STIGMA** disciforme, transversè latius. **ANTHERA** ovata, erecta, biloba, lobis discretis, rimâ longitudinali dehiscentibus.

**Loc.** : Les forêts du détroit de Magellan, près de la baie Bougainville et de la baie Française (**COMMERSON**).

**PLANCHE XLIV. B.** *Chlorœa Commersonii* de grandeur naturelle, d'après un des échantillons de Commerson. Fig. 1, sépale moyen ; fig. 2, un des sépales latéraux ; fig. 3, labelle ; fig. 4, gynostème vu de face : *a*, stigmat, *b*, aile membraneuse, *c*, anthère.